



# 津報

光緒三十一年十一月十六日  
西歷一千九百零五年十二月十二號  
第六千一百一十二號

●本館開設天津宮北大街路西●電話第三百九十號

本埠	外埠	日本
零售每份大洋二角 全年六元加郵費一元二角	零售每份大洋二角 全年六元加郵費一元二角	零售每份大洋二角 全年六元加郵費一元二角
每月小洋六角 全年六元加郵費一元二角	每月小洋六角 全年六元加郵費一元二角	每月小洋六角 全年六元加郵費一元二角

●本報徵文大意已詳九月十八日報端諸同志有惠寄大著爲本報所登載者每篇贈銀五圓不登者恕不還稿特白

外埠	代派	處
北京琉璃廠橋西路北公慎書局 保定府北大街官書局 奉天省城振泰報局 錦州同益分報館 上海各大報館 河南省城北書局街開封總報處 長沙府永豐街三聖殿聚珍棧劉翰莊 常德府城內神武寺側益智書局 湖北漢口仁後街寶明齋書局 漢口大馬路街巷派報處陳漢卿 山東濟南日新報館 山西太原府官報館 成都桂王橋圖書局 又學道街二西山房 瀘州開明書局 宜昌昌明公司支店 安慶三牌樓利和布號 蕪湖大街玉林堂筆店	合肥書報社 南昌源發報社 又百花洲廣智書莊 萬載書局 贛州府學前日新公司 九江招商局 又花牌樓譚宅 香港廣報局 廣東省城大馬路裕和堂書報館 又雙門底上街開明書局 又十八甫廣智分局 嘉應州新書局 惠州泰昌店 汕頭今學書局 廈門搭子街宗道莊 杭州城頭巷白話報館 嘉興荷花堤日新學報社 寧波盧錫汀	又和泰信局劉金貴 紹興昌安門天王寺達材學堂 又圓通寺中興 硤石萃順昌輪船局 溫州府學前日新公司 又府前街日新書局 南京東門外白話報社 鎮江揚子江白話報社 揚州府學前日新公司 如皋北門內丁家巷民立學堂 蘇州城內接駕橋新書社 無錫錫金派報所 常熟寺前學記書莊 松江門外外學廟內明新書局 又富家弄益智社 廣西桂林平樂縣內 梧州北安祥 龍州電報局

●倫敦大印字機器寄售  
今有友人從倫敦運到大批印字機器全部係頂等貨物印書報刊捷非常高出日本舊式印機何止十倍其價亦甚克己茲託本館代爲出售如有創製書報需用願購者請移玉至本館帳房面議可也此項貨物由天津有倫敦訂購至速亦須四個月方能運到茲有現貨可售是極好機會諸君慎勿交臂失之切切切盼  
本館謹啓

●本館添聘訪友廣告  
本報開辦以來力求進步南北各埠業經廣延訪友隨時通信惟本報既居本國北部凡本省各府州縣各大鎮市暨東西北各省會以及鐵路交通之處尤應多置訪友且夕報告以廣見聞而開風氣今將應添訪友各處開列於後  
北京 通州 保定府 承德府 朝陽府 永平府 河間府 正定府  
順德府 廣平府 大名府 宣化府 張家口 瀋陽 錦州 營口  
哈爾濱 吉林 長春 海參崴 開封府 信陽州 濟南府 太原府  
蘭州府 迪化府 伊犁府  
以上各處如有熱心報界願爲本館訪友者請即寄新聞五日示明住址倘能合格本館必竭意歡迎優贈薪水專函聘訂特此廣告

●外埠報諸君鑒  
本館所訂本埠外埠各訪友類皆明理自好之士如有有人冒稱本館訪事招搖案詐者必非安分之徒望即扭送有司衙門懲究勿爲其所惑切切特白

●津永印書館廣告  
本館現承上海南方報廣告代派有欲購閱者祈向本館送報人訂定可也  
本館在天津法租界二十一號路  
本館電話三百九十號

●南洋副票頭彩壹萬元本月十八日開彩  
本號浙江票每十則洋三元二角新到南洋分票每張洋二元二角零條一元五角又南洋大彩票每張洋五元九角五分  
本號本月二十日開彩又河南彩票頭彩四萬元準於本月二十九日開彩  
天津大獅子街公益仁南味坊謹白

●上海商務印書館專售鉛字銅模印書機器洋紙廣告  
本館開設上海棋盤街中市專售各種印書機器及頭二三四五六七號全副活字並精製銅模鉛板印字器件一應俱全發兌各色洋紙洋紙華英字典學校課本各種實學新書精印中西書報各項文件又延請日本東京名手專製電氣照相銅板五石印工料精美久已中外馳名如欲辦機器銅模鉛字及託印書報批購書籍洋紙等價目克己以廣招徠此佈  
擇於十一月初一日開張

●上林春酒茶樓新張廣告  
本酒樓以合歡適口宜期玉饌茶能察湯從食貴有紅樓本樓開設開日吸啜立辦招呼通靈加以月明後送佳客多矣  
●教育雜誌  
每冊二角全年二十冊共價大洋三元二角  
孟晉同文各書坊均行代售



# 本報要目

◎十一月十六日第六十一號◎  
論說▲論南洋華商求入日本籍(續)  
要件▲商部奏定礦政調查局章程(直隸山東)  
江蘇留學生再上政府及三省督撫書(續)  
要聞▲俄國向中國提議修款之傳聞(美國議)  
改訂約款(此使請出洋大臣順道赴比)  
政府宣布賠款及外債數目  
各省新聞▲台匪糾眾焚掠教堂警電(集議無)  
廣鐵路事宜  
各國新聞▲日本布告保護韓國  
奏議▲政務處奏議山西學政奏請設立學部  
等摺片(商部奏擬訂各省礦政調查局章程)

## 論說

### 論南洋華商求入日本籍

(續昨稿)

自是以後中國之聲威漸振。外人之氣焰益張。而我商民旅外之情形。遂益困苦而不可言狀。於是內成之歲。美欲於中南美洲。拒絕華人入境。因有舊金山假道之禁令。而我商民之往來。遂窮已矣。美又於檀香山島。驅逐華人。之通商。因有唐人街燒燬之毒謀。而我商民之財產。遂盡。當其時。禁令之施。毒謀之發。日本商民。亦未嘗不受其害。然檀香山之役。日人雖傷。而一經日本政府之詰問。卒如其人命資財之數。償以日銀六十二萬。而始寢其事。即如壬寅之歲。日人有挈眷游美者。美猶沿禁入境之例。托之檢疫。辱及其妻。美欲使遂詰責美廷。必令其謝罪而後已。夫日人。國民也。華人。亦國民也。日人之受虐。其政府即代為理論。而不使有白之冤。華人之受虐。我政府則雖欲力爭。而從未有取償之日。讀中南美洲華商離雲漢上外部之稟。其慘狀殆不忍殫述。數年以來。非獨苛禁未除。抑且變而加厲。故辛丑之歲。美國非路底化華商李才保。倡入美籍之說。今歲南洋商人。復師其故智。倡入日籍之說。衡以愛國之道。其人雖不無可誅。然政府苟保護於事先。伊等亦無此下策。蓋其挺而走險。固有迫於不得不然者也。雖然。論政府之對於商民。固不能責以反背朝廷之罪。然吾為旅外商民計。有不能已於忠告者焉。夫國權之伸張。視乎國力之強弱。公等雖居海外。未嘗無責於國中。使盡如謝東法之生長巴黎。而一以祖國為心。不忘佛來西之母訓。(謝東法事見壬寅年普通學報中)則轉弱為強之效。安見不得之於諸公。彼時國力既充。則國權自振。即受外人之侮。政府力能與競。亦斷無膜視之時。今但見祖國之衰微。而即以托人庇下為得計。既無以對吾祖。抑無以對吾君。且無以對吾四萬萬同胞之骨肉也。況

## 時評

公等之求入日籍。亦止為脫荷虐政。各保身家之地。然非我族類。其心必異。日本名雖同種。而實非一家。且臺灣割日以來。吾臺民固已服日之服。言日之言。行日之行矣。乃觀其所施之政。見一則不許受日人高等之教育。再則不許享日人同一之權利。夫既在大歸化之列。而日本猶歧視如此。今公等雖願為之民。無論將來日本之議院。能容公等之一席與否。日本之學校。能視公等為一律與否。即以目前而論。日本有公等何榮。無公等何辱。徒使日荷多一分之交涉。中日傷一分之感情。今即勉強允之。而他日有事。其保護必不能如日人之至。固可預必也。吾所尤不可解者。公等遠在南洋。為政府權力所不及。因逼於外侮。不能無自全之術。乃或安處國內。如葉氏。如戴氏。及其他不知誰何者。尙不能枚舉。亦復害理傷心。而為此改土歸流之計。吾不知其命意何在。而國家所開罪於彼者。又何在也。使盡四百兆民而由此。則不待外人滅國之新法。而地圖上已無吾中國之顏色。歷史上已無吾中國之名號矣。鄙人雖頑。至此猶不禁於邑無色。淚涕漣漣。況公等久居海上。洞明時局。尤富有國家之思想者乎。其思之。其思之。(完)

## 要件

商部奏定礦政調查局章程(二十四條)  
第一條 現在欽奉 諭旨飭令各省將礦政調查局迅即籌辦毋稍延緩各省將軍督撫自應一體欽遵辦理各該

## 要件

省如有前經設立之礦務總局及查礦公所等即應一律改作礦政調查局以歸劃一  
第二條 調查礦政得人為先應由各該省將軍督撫遴選精練廉正之員以勝該局總理及礦師之任者開具詳細履歷加具切實考語咨由商部酌量加剗作為商部礦務議員以符奏案  
第三條 各省礦政既已派有各該礦務議員認真經理應應欽遵 諭旨迅即酌帶礦師周歷各屬切實探勘按照商部所頒表式將已開未開各礦逐一詳晰註明隨時咨報如能於各該省舊有礦場處所設法改良而又逐漸勘得新礦招徠開採使礦日見其多裕課利民卓著成效三年考績應由商部分別奏請獎勵或敷衍塞責致民間仍多隱匿偷挖及為奸徒勾結設謀售賣轉轉影射者一經覺察亦由商部據實參辦以示勸懲  
第四條 調查已開之礦無論官辦民辦及華洋商辦均應檢取案據圖冊逐細詳查除遵照部頒表式按年詳填並將礦質案據等隨表送部外其尤要者一應稽查按年礦稅若干抽取及歷年比較若干二應分別官荒地各占若干方畝備有外人已開之礦或租定之礦其所占地址更應查照章程合同予以限制并一律繪圖貼說送部備查其餘苟有可以剔弊整頓收回利權裨益稅課之處該員皆應隨時設法整頓并具報商部及本省督撫互相維持期收逐漸改良之效  
第五條 凡各省未開之礦及開而廢之礦除由該局自行查獲外必須有呈報始能知悉其詳者莫如該處土人應由各該省將軍督撫飭下各府廳州縣切實曉諭所屬紳耆如有探知某處有礦與得礦苗者應報由該府廳州縣迅即申送該局或由本人自送到局均宜聲明該苗得自何處該處係何地名以便查勘設礦處所現有土人私挖地方官不加查禁或業經紳耆稟知地方官而地方官匿不查明或延玩不報該局即應分別稟知商部察核辦理  
第六條 凡有礦產處所一經各該地方官及各紳民呈報到局或由該局自行查獲應先覓取礦苗如化驗屬實後迅即帶同工程師訪查履勘除按照部頒礦產表式填明外並應按照下開勘礦各章程逐一登記清冊繪圖貼說連同所得各種礦質裝封標識一併呈送商部考驗  
第七條 凡勘有礦產處所查係官山該局即應查照兩江總督光緒三十一年七月二十七日奏案會同地方官出示曉諭不准民間私賣即民間礦產祇准賣與本地居民戶須憑中證報官查無頂冒諸弊始准立契過割此外尚有未查各礦自應照此一體辦理倘有隱匿私賣情事該管地方官是問該局如扶同徇隱應由商部按照此次奏案一併奏參懲處  
第八條 凡有偷挖礦產私售礦地或已領有礦照擅自轉售他人及刁生棍徒託言風水龍脈等說故意阻撓辦礦者一經查出應由該局迅速稟報商部一面巡稟該省將軍督撫轉飭地方官從嚴懲辦毋稍寬貸(未完)

## 要件

直隸山東江蘇留學生再上政府及三省督撫書(三續)

## 要件

為保護商人權利而干預 粵漢鐵路之合同自其表面視之則一契約也自其裏面視之則一特權也粵漢如是津鎮亦然此特權何即許築鐵路自天津至沂州自沂州至鎮江是也以特權言之萬國通例凡一國之特權無論許與本國人或外國人其發給及撤回等事皆屬一國之內政非他國所得而干預也以契約言之英德政府亦不得干預公法學大家費利曰余以為一國政府不應將數人之私案一變而為一國之公案將數人之私事一變而為一國之公事又曰凡干預他國之事以保護私人之權利必其政府妄行侵犯權利違背法律公理方可賀羅氏曰萬國向例凡一國與他國商人借款若該政府不肯交還本息他國政府往往不肯干預其事其故有三一曰代本國商人索還債等事殊非易辦政府不宜擔此重任二曰凡商人借款與外國政府多出冒險之心禍由自取不足憐也三曰一國政府或為勢所迫籌款維艱欲踐言而不能事可諒也今津鎮鐵路一案德華滙豐兩銀行並未繳出絲毫款項本無錢債之交涉若論兩銀行冒險之心中心政府過於時勢之實則今日廢約自辦並不侵犯權利並不違背法律英德政府豈能變私案為公案變私事為公事耶

## 要件

(二)中國政府能否廢約  
津鎮鐵路既為契約則其能廢與否全以私法為準就國際私法定理論之鐵路在中國地面訂約在中國京城則此約如何作廢亦當以中國法律為據惟中國法律尚未完備今為解釋計不得不參以外國法律按契約法原則凡訂立契約以兩造能實力遵行為斷德國民法第一百五十條凡兩造已認為結之契約要思合致之事件而實在尚未合致者其契約為無効力今津鎮鐵路約名為訂定而並無一實在辦法不但中國意思不合即兩銀行意思亦復不合其與德國民法所謂實際尚未合致者正復相同則此約之為無効明矣此一證也又凡契約訂定而於事理大有不便者不能實行亦可作廢日本法學家論契約作廢之理凡債權者因事故不能踐約者債權者得將契約作廢蓋債權者既已不能踐約則勉強支持放債者他日必受其累不如早行作廢之為愈日本契約法即是如此今津鎮鐵路約不但行於中國且有大有害於中國則中國聲明作廢實係正當行為連合公司不能不允者也此一證也(未完)

## ANNOUNCEMENT.

We have the pleasure to announce to our foreign friends and our English speaking countrymen, that after some days, we shall have our news and speeches published in the English language, inside of our daily Chinese papers.

請看請看



### 宮門抄

十一月十四日 禮部 太常寺 正紅旗值日無引 見

道府雙麟齊鴻聲周靖方李經湘等謝 恩 徐會澤等

同鄉官謝 恩 全公因賞府第銀兩謝 恩 劉公續

假十五日 召見軍機 張英麟 嚴修 無閣抄

十一月十五日京電本日 召見軍機 嚴修 無閣抄

### 電報

◎西十二月九號柏林來電

各國對於馬其頓問題之意見 各國要求土耳其關於馬其頓財政問題已佔優勢聞各國之意擬視英國之趨嚮以為準則

▲俄大臣謀為首相 俄國大臣道爾格君守舊黨也現謀為首相以排擠威特伯爾將有結果而俄京行伍中人羣起抗之

◎西十二月十號倫敦來電

▲英大臣賈斯之賞 英大臣西克畢次現蒙英皇錫以子爵

▲英國內閣大臣題名 戶部大臣阿司魁斯 管理印度

事宜穆爾利 外部參贊古瑞 藩部參贊義利根 兵部參贊哈爾敦 海軍部領補提威茂斯 管理蘭克司德貴族大臣富利爾 愛爾蘭總督阿伯頓 愛爾蘭參贊布瑞斯

### 要聞

▲▲俄國向中國提議條款之傳聞 俄國繼日本派使向中國提議事件之消息外間久已傳播茲見滿洲日報登載提議之要件三則 爰譯錄於左

一 於條約上承認在滿洲現所擁有之特權

二 在滿洲當獲得與日本所獲得之同等之權利

三 另開恰克圖條約改訂之會議圖蒙古方面之利益

按此條件乃譯自日文報紙其詳實雖未敢盡信然證以目前大勢中俄兩國之交涉為期當已不遠則此條件之傳播或亦非無因也乎(慶)

### ▲▲美國議改工約要款

上海時報載華盛頓電云本月為議院開議之期美國與中國所訂之新工約大約本月二十五號以前可以將約稿遞交議院並聞美國總統羅斯福兵部大臣塔夫脫皆以此約為是 茲將新約大要四款列下 一 解明工人字義美國禁約原為工人起見但關於行例往往引伸其義如商戶中之寫字管帳賣貨手等除股東外概視為工人不知寫字管帳等俱皆幫助商家故新約擬劃清界限使離工人之中 一 中國政府凡來美華人如得有中國官護照有美領事簽名者須要驗照放行 一 中國政府凡華人如在香港安南南洋或寄籍於英法荷葡者如得彼籍官護照准其隨便入美 一

### ▲▲比使請出洋大臣順道赴比

外部消息考察各國政治大臣已議定分赴英法俄德美日六國日前駐比使赴部請各大臣順道赴比 並謂比國承辦中國路礦各事關係極為密切倘能肯來則比國官民必非常之歡迎等語王大臣答以五大臣中之李大臣本已奉 命授為駐比公使將來在比三年正可詳細考查一切以資取法貴公使代表貴國之盛情敝國深為感謝云云

### ▲▲政府議宣布賠款及外債數目

近來各處舉國國民捐上自士大夫下至輿僮走卒多願解囊共抒國難誠能舉國一致不特賠款外債可以早日償還即推行一切事業之有益於公眾者又何難成立乎我國人之有國家思想實可於此舉觀之近聞政府會議以民間既熱誠愛國自應將所有 賠款外債明白宣布 俾民間得知其實數即辦捐者亦易於措手矣大約議定後尙須奏明辦理云云

### ▲▲東京特別通信

(前略) 昨告南洋各埠三十萬人公舉代表人某運動入日本國籍一事現經確切調查係屬傳聞之謠實則只此一人歸化日本耳前日會館開議時未知其不實旋因人數不齊亦即罷議(中略) 東京高等工業學校收中國學生三十人(以後每年收三十人約本科之六分一) 特別設班至明年九月再與本科合併現定陽曆十二月十二日考數學日語圖畫十三日考英文物理化學日語報名者已有七八十人與考大非易易(後略)(陽曆十一月二十八日發)

### ▲▲本埠新聞

●車站紀事○陸軍派差於十四日由塘沽搬運軍米六千餘石用加車運往保定分發各營又駐京河南陸軍派差來津購辦皮靴八百雙於十四日運往北京又奉天賑撫局派差來津購辦棉衣一千七百餘身於十五日運往奉省賑濟貧民又天津戶部銀行於十五日派差押運現銀八萬四千兩晉京投交戶部

△欽差出洋考察各國政治李三三大臣並隨員劉周兩侍御嚴瑞李煜瀛沈觀宸及譯員劉君均於昨日二鐘到津住中州會館聞澤公擬今日赴北洋銀局察看一切辦理事宜

●稟請官講報章○近來各省設立報館原為開通民智起見惟能購閱報章者究係識字畧通文理之人若不識字者仍無從開化現聞董董林兆翰君變通辦法擬請人在各茶館酒肆以及通衢要路宣講報章務使人人得知時事已赴縣署稟准不日實行

●查拿私設賭鍋○近來津武境內時有匪徒潛設賭鍋未免阻礙官鹽銷路事為運憲訪聞除飭津武總汛認真查拿外并派幹員四出嚴緝

●官小學堂加授英文○現聞學董林君擬將新設官小學堂六處之高等學生分別年歲加授英文酌量提收學費已稟經縣尊批候詳請各憲核定

●稽查車廠○日前第五局四區巡官朱統勳君特派差將西門外各處之東洋車廠四十餘戶一律傳局面諭以後所有車夫住址姓名年歲均須每日按名造報一次如有隱藏閑雜人等及設立賭局情事一經查出嚴辦不貸

●施濟貧民○天寒風緊貧民無食無衣深堪憐憫前備濟社善士特派司事協同關上各董查看該處貧民人口多寡按名先給予憑條每名酌給玉粉若干斤已於昨日照條施放矣

●清查拆房總數○與界楊家台一帶修造馬路所有應拆房屋昨與署特派差逐細查門牌號數計總抄摺呈核聞不日將出示發給房價諭各房主具領并開仍照舊章自出示之日起限六個月一律騰清

●罰充苦工○前京張鐵路押送某方某葉某趙某等四犯來津訊辦昨已由職員審判判罰充當苦力五年方葉趙等三名充當苦力三個月一律送習藝所看管

### ▲▲北京新聞

●論傳號商○昨商部司務廳發出諭單傳管口仁裕號職商陳步鑾於三日內赴部問話

●擬設勸工局於通商口岸○探聞商部擬於各省通商口岸廣設勸工局以振興商務其經理人等即由本埠各商公舉富商數人按照天津勸工局章程認真辦理俟有成效再於內地逐漸推行

●李侍郎有人軍機消息○探聞 兩宮之意欲以李侍郎昭輝入軍機處刻尚未曾發明

●商會擬定典鋪新章○北京典鋪章程向例以二十四個月為滿期後展至三十個月現商會議定新章擬一律以三十六個月為滿期又凡有誤收贖贖向例經失主認明即行取回不給分文現擬除 內廷物件不用銀贖回外其餘均一律給原當本銀贖回聞不日即將新章宣布

●請設分科大學○大學堂總監督張京卿京嘉請設分科大學學並調直隸候補道朱觀察實辛辦理工程已經學務處議准奉 旨著照所請

●勸辦大學堂書報○有廣東知縣方君呈請大學堂願報勸家藏書籍一千七百餘種四部俱備約值二萬金藏之書樓洵足備徵文獻

●陶觀察出使日本之風說○駐日楊星垣欽使本年已屆瓜代之期聞政府有以現任奉天驛巡道陶杏南觀察加給卿銜作為駐日使臣之意緣陶觀察熟悉東文又列滿洲條約議員之選因地擇人固莫若陶觀察之合宜也

●實業學堂暫停年終獎賞○前商部奏辦之實業學堂本無的款年前所需經費係撥借大學堂預備科之款本年因該科需用不能通挪而實業學堂常年經費尙須另籌故現經各堂會議擬暫將年終學堂獎賞一律停發一俟籌有的款再行照數分給

●真錢莊莊夥○有浙江候補知縣屠福庭以厚字錢莊夥夥陳鐵等莊款轉轉呈商部當奉批示云該商所控已悉業經據情咨行浙江巡撫並飭行浙江商務議員查明秉公辦理俟將辦理情形覆到部再行示知可也

●擬開官內紡織所○向例妃嬪入宮衣履俱由父母供應不准開支內務府正款故日前 兩宮擬於內廷開辦紡織事宜令妃嬪宮女各習一藝所得餘利准由本人按成支用以資接濟云

●巡警辦事文明○巡警部前由天津調來協巡隊已於初一日分段站崗統帶者為外城副監督王勤齋觀察辦事極為認真日來該警兵時常拘獲洋兵均係因酗酒滋事而犯警章者每拘獲洋兵皆送交西珠市口協巡隊總公所看管俟照會該管兵房告知犯規情節然後交該管武官領回決不加以凌辱辦理甚屬文明云

### ▲▲本省新聞

●購地畜養戰馬○豐甯縣之多倫進北一帶水草肥滿最適於養馬之用茲聞北洋督練處購地數萬頃於其間設立養馬廠以為北洋各鎮畜養戰馬之地並聞已派陳參戎永祿專理其事

●官場紀事○保定工巡局總辦吳觀察錢孫赴任邱縣公幹現已起程

●紀銀價○現省中銀價每兩易京錢二吊九百五十文銀圓每圓易京錢二吊零二十文

●藩轅門抄○新選趙州恩河間縣趙曲周縣周前署香河縣居阜城縣郭新署清河縣馬准補阜城縣王均稟見又涑水縣張南宮縣徐均稟辭分發省城候補巡檢陳宗器新選南和縣典史賀光熙均來省稟到昌黎縣馬炳炎奉委赴望都縣公幹

●臬台批示○趙州候補李氏來司呈控一案 批爾前投地方報州稱爾子與郝隨堂在地收摘棉花口角爭毆爾子被郝隨堂刀傷身死是則兩人先均在地摘棉花並非郝隨堂後至開遊擲呈郝隨堂係李郭氏告知隨後前往顯係飾詞聲稱命案最重屍傷原驗爾子僅左額角刀傷一處爾謂此係書役播弄該州意存袒護救生而不顧死然此外更有何傷爾又不能指出信口妄瀆殊屬非是候仍照前批飭州集訊詳報可也



閩南  
合辦南洋總匯報有限公司

本公司名曰南洋總匯報局專延聘中西時務品學兼優之士為主筆記要批奏印刷精良現定於歲內出版內地通商各埠均有代派處隨時隨地均可購訂可也

新嘉坡吉寧街門牌八十三號







### 各省新聞

#### 政事

◎奉天軍憲牌示(爲查驗投効人員照事) 照得奉省投効人員至奉來流品甚雜或以外獎翎頂而假職官或以微末職銜而詐稱實職甚至並無功名任意捏造冀圖差獲利再行捐納心術不端違論人品其家是否清白更無從究詰是以奏請停止惟從前投効省內外各員必須設法清查以昭嚴實爲此牌仰投効人員凡在停止以前已有差使者近限一個月內遠限三個月內迅將捐照一律呈驗驗訖蓋戳發還收執倘逾限不驗及無執照者分別撤差各宜慎遵特示(奉天)

◎派員密查賭案 近有某報載殺軍撥勇在錦州大佛寺聚賭一節大帥以傳聞之事難辨虛實特派某觀察來錦會同錦府查辦明白稟覆茲得其電稟原稿照錄於下 軍督憲鈞鑒職道前奉節至錦州赴大佛寺嚴查聚賭一案於初十日馳抵錦州會晤卑府查得大佛寺東偏後院昭忠祠爲殺軍公所內駐馬勇四名錦縣王令自到任以來禁賭甚嚴每日親自查夜於初三日二更後查夜至大佛寺見山門尚未關閉後院燈尚未熄恐有聚賭情事至馬勇所居之屋馬勇因未查獲賭具不忿與差役爭吵當時持馬勇相擊不知地方官有應查之責未免粗率業經職道分別責飭以示懲儆另獲三人亦均隨案辦結再大佛寺所存軍火前由延升守責成外委張張派勇看守該弁查夜未能悉心探訪遇事未能和平完結應行撤換已會商西路統巡派弁帶勇四名認真守護以昭慎重仍由卑府督同經理職道等謹稟(奉天)

◎議令實缺州縣回任 豫省州縣百餘實缺不過三分之一餘皆署理者居多故一切新政不免存五日京兆之心未能切實舉辦撫部察知其弊議於年終飭司牌示實缺州縣各回本任以專責成(河南)

◎擬設戒煙公所 豫撫因實係中嗜煙癖者甚多與吏治大有關係擬籌款設立戒煙公所自製戒煙藥廣爲施送現正賃屋延醫不日即可開辦(河南)

◎籌集警察經費 鎮江城內開辦警察所需經費甚鉅雖道憲允由道庫撥款挹注不敷尙多茲丹徒縣郭子華大令擬向鎮江城內各綢號及殷實富戶捐銀萬金存本生息作常年經費尙有不足則仿照冬防辦法向各舖戶勸捐一文以資接濟藉垂久遠刻已稟請常鎮道核示遵行(鎮江)

◎擬派官員遊學 鄂省仕學院開辦以來計學員二百餘人其中不乏可造之材梁節庵廉訪黃伯雨太守擬擇其熱心嚮學者四十人派赴東洋習政法速成科以資造就(湖北)

◎認真舉辦冬防 江北提憲劉軍門以清江地闊民強辦理冬防尤爲吃緊日前札飭各營營長江北係會匪薊巢窟穴之區該營弁等平時不能約束兵丁加意防範現屆隆冬巡緝尤宜嚴密凡有形迹可疑之人即移解地方官究辦不得仍前偏袒云云故刻下清江舉辦冬防頗爲認真(清江)

#### 學務

◎學生限期投考 各學堂均已足額經費難辦不能推廣普通學堂工程未竣尙難定期且歷次備取中學已將百人即考亦無能多取士子紛紛報考實在無可安插現已呈明軍督憲停止收考除本月二十二日以前遞到者姑准考外自本月二十三日起投考者一概不收亦毋庸托辭求情如向軍督憲遞稟批行到此應即據實呈覆不能再准考試生重勿復來省在省者即速回里勿謂本處不知體恤也(奉天)

◎開辦蒙學堂 現科學既停蒙學爲學界基礎不得不加意振興許州屬之長葛臨潁鄆城各地紳耆亦亟亟以興學爲請刻已集款設立各堡蒙學每堡設學一所延教習一人收學生十餘名現已籌有的款稟陳學務處頗爲獎許不日通飭豫屬一律仿行(河南)

◎學堂添設宿舍 章江私立小學堂於上月招考生徒一時報名者甚爲踴躍發起人蘇君以原定章程概不寄宿似覺未便因特擇定附近孺子亭口租賃房屋數間爲該校宿舍云(南昌)

◎考試師範生 湖北各州縣於九十兩月中送到省投考支那師範生爲數已有數百人之多刻奉學務處諭令初二初三兩日報名聽候考試(湖北)

◎軍事

◎派兵剿匪 豫正營哨弁王振清前在魯山格斃匪目黨忠信一名上憲頗爲嘉許汝州所屬會匪又時出搶劫特調該弁率兵前往并協同印官緝拿以安地方(河南)

◎定南匪事近聞 粵界三點會匪首皆以山名有四大山二十四小山名目如潘富山曾奇山陳榮山皆著名匪魁前江省定南縣因案拿獲曾海山等下監城中謠言四起一日數驚有和平縣署聞警把總黃泰泰來詣縣懇求保釋形跡可疑章司馬即將該把總扣留飛稟請示辦理胡帥電飭南道迅即派員會訊曾海山如係匪首即予正法岑崗營黃把總已電請督署提回粵省訊辦(南昌)

◎徵兵易員 南洋常備步兵第一標三營管帶陶駿保在鎮設局徵兵茲奉兩江督練公所飭升爲新軍全鎮總參謀官所遺徵兵事務另委編譯科員陶君賓南代理刻已乘輪來鎮蒞差視事(鎮江)

◎台匪糾衆焚掠教堂警電 浙東天台匪警一節自天主堂被燬後各匪四出劫掠殊形猖獗各境均遭竄擾除由提憲呂道生軍門與甯紹台道高岫卿觀察分別調兵防剿保教外專電到省告警請兵茲錄於後

甯波提道致浙省撫電 瑞撫帥鑒據台州府張守稟稱天台縣匪徒陳鳳儀等依恃王錫形勢聚衆焚掠教堂請撥兵防護並據該縣胡令稟同前因除分別移飭外已另抽撥防軍赴日馳往會同該管文武認真防範查擊以紓厘系

甯波提道致甯紹台道電 敬悉據天台縣令天台汛千總會

稟王錫形匪黨甚衆請速派大隊防剿等情惟省防營勇現值湖匪多事不敷分撥且距台太遠亦恐緩不濟急請提台酌核情形就近加派重兵前往防剿保護教士并由高道遴委明幹之員前往會同府縣防營妥爲查辦仍將辦理情形隨時電報爲要(浙江)

◎嚴飭鄭重江防 歲暮云暮宵小叢生鄂督張宮保關心民瘼嚴飭文武員弁於田家鎮黃石港圻州武穴一帶各要隘處厚添兵力認真防範從此東南半壁諒可高枕無憂矣(湖北)

◎財政

◎減收平糶義捐 鎮江及仙溪等處自開辦米禁後船運米甚屬寥寥推原其故實因捐稅太重各商無利可圖遂致裹足不前茲該幫董事具稟鎮關請減收米捐故郭月樓觀察特會同金陵釐捐局及吳淞平糶義捐總局核議嗣後約船運米除照完關稅及沿途釐捐外所有每石一錢四分四釐之平糶義捐則概行減收以恤商艱(鎮江)

◎路政

◎集議蕪湖鐵路事宜 督辦安徽全省鐵路李伯行京卿前經函商江督委派蔣觀察來蕪襄辦茲聞蕪湖至廣德州路線計長二百八十里須籌款四百萬督辦李京卿因於日前在江口大花園函請蕪紳商及各州縣代表人會議籌款造路事宜前稱請派劉光典觀察爲蕪廣鐵路督辦者係傳聞之誤(蕪湖)

◎蕪湖路政 省會議鐵路之代表人裴聚周三觀察前已到鄂連日由臬司梁廉訪率帶赴督轅謁見張宮保稟商路政頗爲秘密(湖北)

◎實業

◎米商請免路捐 蕪廣蕪湖米商近因奉文開辦鐵路每石擬加捐銀五分作造路經費該商等以米市滯銷力實難維持稟請安徽巡撫米釐總局免稅旋奉批示略稱查皖省鐵路係爲自開利源與盛地方起見出口貨物惟米爲大宗除此又難籌鉅款米捐本爲不得已之舉該商等縱屬客籍然既在蕪貿易同爲國民感情難籌捐亦當盡之義務似不必以粵皖兩分畛域惟察核來稟雖非兼顧之道但衡以目前米市大局尙係實在情形應候分別詳咨核復飭遵(蕪湖)

◎新添鋼爐開煉 邇來各省鐵路所需鐵軌各件多在漢陽鐵廠定購該廠總辦李一琴部因添小煉鋼爐數座加工鑄鍊鋼條起鑄鐵軌以便各鐵路工程購用(湖北)

◎雜紀

◎擬設分報館 法庫門有志士王某因該處地接蒙荒人民率多愚蒙擬開分報館並附設閱報社以冀灌輸文明開通風氣聞不日即可開辦矣(奉天)

◎委署府篆 昌圖府知府祥太守病故遺缺奉軍憲札委候補知府涂太守景濤暫行署理(奉天)

◎查禁謠言 鎮江學界商界中人自聞日本要求中國以閩

易邊之說頗滋疑慮議論橫生刻經江督周玉帥札飭鎮關道出示曉諭商民此言實係謠傳並無其事以釋羣疑嗣後如有造言生事之人即行嚴拿重辦(鎮江)

◎認捐舞弊發覺 浙省於去歲舉辦各業認捐弊端百出商民交受其累前牙釐總局會辦之候補道徐觀察士霖現被前撫中丞參劾革職殊不甘服當將認捐弊端各款開列細數指證周詳通稟撫藩二憲又專丁赴閩上呈督轅直揭其隱謂值庫帑短絀之際能將此款追繳入官數共六十餘萬金之多與公家不無裨益悉由撫藩及提調文守三人分入私囊有案可核願與實對所稟如虛自甘反坐刻下爲大部聞知業已專電到杭詢問須澈究勢必欽派大員查辦殆將釀成巨案矣(浙江)

◎議另建設商會 浙省商務總會紳董高君爾伊沈君守廉均因不理眾口故即撤退當由各業公舉樊翰卿謝君龍京卿元濟觀察馮鴻藻承乏業已稟奉撫憲照准詳請商部給札并先備文照會余龍紳首先稟辭而樊紳亦不願就茲尙須另舉他員惟總會向附於本場巷商務局內僻處下城諸多跋涉殊覺不便刻經各業董另議建設公同集款鳩工起造俾期發達而求振作也(浙江)

◎擴充街道 鄂省警察總局遷至吳文節公祠以百壽巷道路太狹出入不便昨日特將巷口民房一間給價購買歸官雇工拆卸以便行人(武昌)

◎訪拿訟棍 漢口有錢某係著名訟棍前爲鄂臬梁廉訪所訪聞札飭夏口廳查拿茲由馮觀察軒司馬偵知匿跡在楊子總巷內就獲解送省垣聽候核辦聞廉訪此次所訪拿者共有二十四人之多彼錢某者其一端也(湖北)

◎飭議輪渡泊岸章程 署廣州稅務司梅爾士君以省河與築堤岸河道日窄特議就輪渡泊岸章程五條以示限制而免碰撞將章程稟詳督憲核奪督憲以該稅司所定分別停泊界限章程究竟有無窒礙特札南番兩縣會同邱林兩分統查明妥議稟復茲將章程錄下

(一)省河第三段由洲頭嘴河邊木界起直至浮橋與一直綫至鳳凰石下之浮泡止爲小輪船並餉渡停泊之所

(二)餉渡指定在第三段內北邊停泊由河邊所暨之指定餉渡停泊之所搭客上落

(三)小輪船指定在第三段由河邊所暨之指定小輪船停泊木界起至鳳凰石下浮泡止爲小輪船停泊之所

(四)河南洲頭嘴木舖河面一帶地方所有木排不得在此灣泊以免阻塞小輪船來往要道祇准停泊在綫靖砲台之下在海邊之西便凡欲將木排陸續搬運入舖者必須預稟本關理船廳稟內必須聲明木排若干尺寸若干暫泊該舖步頭多少天等語仍候批准方能搬運

(五)以上所指定界限嗣後內河小輪船渡必須一律遵守不得灣過界外如敢違定必重罰(廣東)



大偵探船達彼岸。余見非島正面。乃塔傍一山嘴凹入之處。大

偵探將船泊於水底石骨之中。取軟鞋二雙與余換下。躡足登岸。扳藤拊葛。望着羊腸一徑。迤邐而行。約數里許。入一深林。漸

聞水聲自山腰下有一小澗兩人躍而過忽迎面有物墮路舉目視之豐碑七尺上斬數字大偵探低語曰此幽靈門也乃入塔徑路自陀耶死後久已不開余費如許

心力第二次方探得。但入此門後。與賊聲息相切。卽不可再。

發一語矣。

抱碑竭力撼動，忽然碑身平倒，頓現一深洞，洞口極窄，蛇行而

下石陷。襲武自上下。逆後尸息自悶。力仆。投出。投陷。燬石前。導引余隨之。但覺隧道之中。冷氣侵人。有時仰視。亦見星光。惟

在石穴間射入脚下時覺有物礙路不知爲土石爲動物踐踏而過頭面衣襟都粘塵土鞋襪徧累蕪苔時或蛛絲如網石乳

● 本阜産出口貨物調査表 ●  
雨下 ●  
(未完)

本埠進出口貨物調查表

輪船夫拉克 (Flak) 十一月初十日由日本進口貨物

扣布二百十疋	粗布百疋	棉紗百十疋
銅貨十件	銅錢六十四袋	銅盤百三十件

玻璃器十六件	槍并彈等共二千八百件	火柴三百七十二件
紙五十二件	糖三百件	軍用連車三十輛

輪船庫瑞提克 (Kruetke) 十一月十二日由上海進口

義國布二百七十疋	羽綾二百二十疋	棉紗十件
----------	---------	------

鐵貨三十件	錫貨三十四件	鈕子百二十五件
呂宋煙二萬一千四百件	紙煙五十件	埃及紙煙四萬件

顏料百九十五包  
玻璃十一件  
線帶五十三捆  
針二十四包  
油十二甕  
路粉百零一匣

雜貨三百二十二件	糖菓二十八件	火爐百零四件	酒五百零九甕
----------	--------	--------	--------

奉天輪船十一月初十日開往烟申出口貨物

麩草六担	粟子六十三担	黑棗三百四十一担	紅棗百三十一担
馬草四担			
牛草六十担			

馬毛五十担	機器值二百四十九兩	梨千五百八十六担
柿餅九十担	羊皮九千六百六十八張	山羊皮四萬八千八百九十五張

鹽羊腸五千件	羊毛氈千八百七十八條	酒五十八担
瓜子六十担	草帽辦九百四十四担	馬尾二十担

羊毛千五百零三担 針千排  
泰順輪船十一月初十日開往烟申出口貨物

杏仁三十二担  
蘋果八担  
古玩值五百兩  
黑棗千九百四十三担  
綉貨五十六斤  
頭髮三担

鹿角三担	機器值千九百三十九兩	馬鬃九担
香薷十二担	梨百担	山羊毛氈五百六十張

羊皮馬褂統四百六十六件 瓜子三百三十三担 酒九十九担  
犀牛尾一担 醬蘿蔔百担 花頭二百五十打

100

---

10



○京畿醒報

卷五

四點十七分

一點二十分  
五點零四分  
八點四十四  
一點十五分  
站到五點五  
八點四十四  
九點三十八  
三點五十三

到下午五點	到九點五十分	到六點	到八點	四點五十分到	到六點五十分	到十點五十分	到七點十二分	三點零九分
-------	--------	-----	-----	--------	--------	--------	--------	-------

站開六點五  
十點零三分  
二點二十五  
開十一點五  
開五點廿四  
八點五十五

[illegible]